



Inatsisartunut ilaasortaq Knud Kristiansen aamma Siverth K. Heilmann, Atassut  
Inatsisartut  
/Maani

## **Upernaviup eqqaani qalorsuarnik raajarniarnissamut periarfissaq pillugu Naalakkersuisunut § 37 naapertorlugu apeqqummut nr. 2011-119 akissut**

Inatsisartut suleriaasianni § 37 naapertorlugu Upernaviup eqqaani qalorsuarnik raajarniarnissap ammaanqarnissaa pillugu apeqquteqarputit. Apeqqut uannit akineqartussanngorlugu innersuunneqarsimavoq.

### **Naalakkersuisunut apeqqut:**

Upernaviup kujataatungaani avataanilu qalorsuarnik raajarniarnissamut periarfissat akuerineqarsimasut sumut killeqarpat? Aamma sumiiffinni taakkunani ukiuni kingullerni 10-ni qalorsuarnik raajarniarfigineqarneranni raajat qanoq annertutigisut pisarineqarpat?

### **Akissut:**

Apeqqummut qulaani pineqartumut akissuteqarninnut atatillugu ilisimatitsissutigisinaavara, Upernaviup kujataatungaani avataanilu raajarniarnissamut tunngatillugu piffinnik aalajangersimasunik killiliisoqarnikuunngimmat.

Raajarniarneq ilaatigut imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaanni no. 23-mi, 29. august 2002-meersumi ilaatinneqarpoq.

Tassani atuarneqarsinnaavoq, sinerissap qanittuani angallatit raajarniarnissamut akuersissummik pigisaqartut aalisarnikkut oqartussaaffigisani sumiluunniit raajarniarsinnaasut, tassa imaappoq aamma Upernaviup eqqaata kangerluini. Angallatit avataasiutit angallammi nammineq tunisassiornissamut akuersissuteqarfigineqarsimasut aalisartillutik tunngaviumik aalisarnikkut killeqarfimmiit 3 sœmilit tikillugit aalisarsinnaatitaapput. Taamaattorli angallatit avataasiutit 71°30'N-ip avannaani (Svartenhug) tunngaviumik killeqarfik tikillugu aalisarsinnaatitaapput.

Taamaasilluni akornutissaqartoqanngilaq, sinerissap qanittuani kilisaatit kangerlunni piffinni pineqartuni raajarniarniarpata. Avataasiorluni kilisaatit raajarniutit Upernaviup avataani piffinni tunngaviumik killeqarfiit tikivillugit aalisarsinnaapput, aammalumi ukiuni kingullerni 3-niit 4-t tikillugit taamaaliortarsimapput. Kangerlunni sinerissap qanittuani aalisartoqarnikuunngilaq.

Aalisarnikkut pisanik kisitsisit atorlugit naatsorsuusiortarnerup takutippaa, taakkunani ilaatigut Upernavik aamma ilaavoq, piffissami 2007-imiit 2009 tikillugu kalaallit nunaanni raajat pisaasimasut tamakkiisut 10 procentianit annikinnerusut piffimmi Upernaviup eqqaaniittumi pisarineqarsimasut. Piffissami 1993 sioqqullugu piffimmi aalisarneq annertusimavoq, kisianni 1993-imiit 2007 tikillugu pisat annikitsuinnaasimapput aamma 2 procentit ataallugit. Piffissami 2000-imiit 2010 tikillugu kalaallit nunaanni tamakkiisumik pisassiissutaasartut 70.000 tonsit miss. 120.000 tonsinut qaffaateqarsimapput.

31. maj 2011  
Suliap no. 2011-050814  
Dok. Nr. 642734

Postboks 269  
3900 Nuuk

Tlf. (+299) 34 50 00  
Fax. (+299) 32 47 04

E-mail: [apnn@nanoq.gl](mailto:apnn@nanoq.gl) [www.nanoq.gl](http://www.nanoq.gl)

Inussiarnersumik inuulluaqqusillunga

Ane Hansen